

Sarkina Bt Mat Saad @ Shaari

From: UUM CORPORATE COMM.
Sent: Ahad, 4 Oktober 2020 4:57 ptg
To: UUM - All Staff; UUM - All Students
Subject: UUM PRIHATIN: PENANGGUHAN PENDAFTARAN PELAJAR KE KAMPUS SECARA FIZIKAL KEMASUKAN OKTOBER 2020



UUM Corporate Comm.
Universiti Utara Malaysia

4 OKTOBER 2020 / 16 SAFAR 1442H
=====

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

UUM ONLINE:



UUM CORPORATE COMMUNICATION
UNIVERSITI UTARA MALAYSIA

KENYATAAN RASMI

**UUM PRIHATIN: PENANGGUHAN PENDAFTARAN PELAJAR KE KAMPUS
SECARA FIZIKAL KEMASUKAN OKTOBER 2020**

Universiti Utara Malaysia (UUM) telah mengambil langkah awal untuk menangguhkan pendaftaran kemasukan pelajar baharu dan lama secara fizikal ke kampus UUM seperti mana hebahan dikeluarkan pada 15 September 2020 berikutan peningkatan kes penularan wabak Covid-19 di negara ini.

UUM mengambil maklum kenyataan media Kementerian Pengajian Tinggi (KPT) bertarikh 2 Oktober 2020 mengenai Penangguhan Pendaftaran Secara Fizikal/Bersemuka Pelajar IPT Kemasukan Oktober 2020 dan bersetuju untuk menangguhkan pendaftaran kemasukan pelajar sehingga ke satu tarikh baharu yang akan dimaklumkan kelak.

Keputusan ini adalah berdasarkan perkembangan semasa Covid-19 di negara ini, namun pendaftaran pelajar tetap dilaksanakan secara dalam talian, begitu juga aspek pengajaran dan pembelajaran sehingga pengumuman baharu mengenainya dibuat.

Langkah yang diambil ini adalah bagi memastikan kesihatan, keselamatan dan kesejahteraan pelajar universiti ini adalah terjamin.

UUM telah mengambil langkah proaktif sejak bulan Februari lagi dengan membuat hebahan tentang pencegahan penularan jangkitan Covid-19, pelaksanaan kelas menggunakan mod pengajaran dan pembelajaran secara *remote learning*.

Bagi pelajar yang telah berada di kampus dan sedang mengikuti aktiviti akademik, mereka boleh terus kekal berada di kampus dan pihak universiti akan membantu segala keperluan yang diperlukan pelajar.

Minggu Suai Kenal (MSK) pelajar baharu pada 7 dan 8 Oktober 2020 diteruskan seperti yang dijadualkan secara atas talian.

Sesi Pengajaran dan Pembelajaran (PdP) juga akan berjalan mengikut jadual secara atas talian mulai 11 Oktober 2020.

Universiti akan mematuhi setiap SOP yang ditetapkan Majlis Keselamatan Negara (MKN), Kementerian Kesihatan Malaysia (KKM) dan KPT bagi mencegah penularan wabak ini bagi memastikan UUM kekal selamat.

Sebarang pertanyaan atau maklumat lanjut boleh hubungi **HOTLINE** berikut:

Bilik Gerakan Bencana Covid-19, INASIS Yayasan AlBukhary Muamalat



09-928 4586 / 4581 / 4580 / 019-441 8055 / 013-422 3666

Dekan Hal Ehwal Pelajar



04-928 4010 / 4011

Pengarah Pusat Kesihatan Universiti



04-928 2519 / 4444

PROF. MADYA DR. HENDRIK LAMSALI

Timbalan Naib Canselor (Hal Ehwal Pelajar dan Alumni)

Universiti Utara Malaysia

4 Oktober 2020





Please consider the environment before printing this e-mail



BACHELOR



Institute of Hospitality
ACCREDITED

IQA
International Quality Accreditation



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.